



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKA UPRAVA

Služba za lokalno poslovanje
Broj: 07-04-5101-1/24
Sarajevo, 02.07.2024. godine

Gradonačelnica
Prof. dr Benjamina Karić

PREDMET: Mišljenje Službe na Zahtjev Udruženja POMOZI.BA za sticanje statusa udruženja od značaja za Grad Sarajevo, broj: 07-04-5101/24 od 28.06.2024. godine

Poštovana gradonačelnice,

Gradsko vijeće Grada Sarajeva je na 39. sjednici usvojilo inicijativu vijećnika Vedada Deljkovića da se Udruženju POMOZI.BA u skladu s važećom Odlukom o uslovima i sticanju statusa udruženja i fondacija od posebnog značaja za Grad Sarajevo utvrdi status Udruženja od posebnog značaja, te je ista postala inicijativom Gradskog vijeća, broj: 01-02-GV-533-1/24 od 24.04.2024. godine.

U skladu s Odlukom o uslovima i sticanju statusa udruženja i fondacija od posebnog značaja za Grad Sarajevo (Službene novine Kantona Sarajevo, broj 51/21), Udruženje POMOZI.BA dostavilo je Zahtjev za sticanje statusa od posebnog značaja za Grad Sarajevo, broj: 07-04-5101/24 od 28.06.2024. godine.

Uz zahtjev je dostavljena dokumentacija kojom se dokazuje da Udruženje POMOZI.BA ispunjava opće uslove iz člana 4. navedene Odluke.

U Zahtjevu se navodi da Udruženje POMOZI.BA djeluje u BiH od 2012. godine od svog osnivanja do danas, pomoglo je više preko dva miliona osoba kroz različite projekte i humanitarne akcije. Pomoć u zadovoljavanju osnovnih ljudskih potreba Udruženje pruža starim i nemoćnim osobama, samohranim majkama, porodicama bez stalnih primanja, djeca bez roditelja, osobe s invaliditetom, bolesnici, migrantima itd. Za socijalno ugrožene kategorije društva prikupljaju i obezbijeduju materijalnu pomoć, hranu, lijekove, higijenske proizvode, obuću, odjeću, namještaj, bijelu tehniku, kao i druge potrepštine. Novčano pomažu u liječenju teško oboljelih osoba, te pomažu i u stambenom zbrinjavanju ljudi u izuzetno teškom materijalnom stanju

Ciljevi Udruženja su pružanje pomoći svim socijalno ugroženim kategorijama stanovništva u Bosni i Hercegovini, poticanje drugih na humanost, solidarnost i saradnju. Trenutno Udruženje POMOZI.BA ima veći broj projekata koji su aktivni, na osnovu obima aktivnosti projekata i iznosa prikupljenih sredstava izdvaja se 6 sljedećih projekata:

Zemljotres u R Turskoj i Siriji

Nakon zemljotresa u Republici Turskoj i Siriji, Udruženje POMOZI.BA je brzo odreagovalo, te su pomoć za ljude pogođene zemljotresom skupili i dostavili u veoma kratkom roku. Preko 700 volontera radilo je na doniranih potrepština. Druga grupa volontera, otputovala je u Tursku, direktno u područja pogođena potresom u prvim kritičnim danima nakon katastrofe, marljivo

Adresa: Hamdije Kreševijakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



tražeći preživjele i zbrinjavajući ozlijeđene u katastrofi. Njihova pomoć sastojala se od osnovnih, ali vitalnih zaliha, uključujući hranu, odjeću, deke, vreće za spavanje, grijalice i čistu vodu te u narednoj fazi, proširili su svoju podršku doprinoseći stambenim kontejnerima kako bi dodatno pomogli pogođenima.

Udruženje POMOZI.BA je još uvijek aktivno u ovoj regiji i radi na pružanju pomoći u obnovi i podršci ljudima pogođenim zemljotresom da se što prije vrate normalnim životima.

Obrok za sve/Restoran dobre volje

Njihov tim svakodnevno priprema topao obrok i dostavlja ga na prag starijim, nepokretnim, bolesnim, slabim i socijalno ranjivim osobama. U njihovim kuhinjama u Sarajevu, Travniku | Bihaću, pripremaju i dostavljaju oko 1.000 obroka svaki dan, s posebnom pažnjom na njihovu kvalitetu.

Prvi restoran dobre volje otvoren je 2019. godine u Travniku. To je prvi restoran te vrste u Bosni i Hercegovini gdje socijalno ranjive osobe mogu besplatno jesti, gdje svaki naš građanin u potrebi ima priliku uživati u kvalitetnoj hrani u restoranskom okruženju.

Cilj im je osigurati da oni koji si to ne mogu sami priuštiti imaju priliku za kvalitetan, zdrav i nutritivno bogat obrok u ugodnom okruženju, bez osjećaja srama, neprijatnosti ili čekanja u redovima. Njihov primarni fokus je dostojanstvo ljudi i kvalitet obroka.

Drugi Restoran dobre volje otvoren je u Bihaću 2020. godine, dok je treći otvoren u Sarajevu u februaru 2021. godine.

Projekat se realizuje u Restoranu dobre volje u Starom Gradu u Sarajevu gdje korisnici mogu u restoranskom ambijentu konzumirati kvalitetan topli obrok. Obroci se pripremaju i dostavljaju svaki dan, a državnim praznicima za korisnike restorana organizuju svečani ručak u restoranima u Sarajevu, Bihaću i Travniku.

Osnovni cilj projekta „Restoran dobre volje” je bolesnim, starim i iznemoglim osobama bez skrbnika i mogućnosti pripremanja hrane obezbijediti barem jedan kvalitetan kuhani obrok dnevno. Kroz redovno konzumiranje zdravih obroka, korisnici dobijaju sve potrebne hranjive tvari koje su im potrebne za održavanje zdravlja i dobrobiti. Time se direktno nastoji poboljšati kvaliteta zdravlja ovih korisnika. U restoranu dobre volje u Starom Gradu korisnici imaju svakodnevnu priliku za komunikaciju i druženje sa osobama slične starosne dobi, što im može poboljšati mentalno zdravlje korisnika.

Projekat ima i socijalnu dimenziju, jer korisnicima projekta, samcima, fizički i psihički oboljelim korisnicima se obrok isporučuje na kućnu adresu. Zaposlenici Udruženja POMOZI.BA koji im ostavljaju obrok nerijetko su jedina posjeta i spona sa vanjskim svijetom, vrlo često oni prepoznaju i potrebe korisnika za dodatnom pomoći mimo toplog obroka. Na taj način se, korisnicima redovno isporučuju pelene i podloške za odrasle osobe, lijekovi i ortopedska pomagala i druge vrste pomoći.

Najveći dio hrane za svakodnevno pripremanje toplih obroka se obezbijeduje putem donacija u vidu prehrambenih artikala, te donacijama donatora za kupovinu namirnica i artikala neophodnih za posluživanje i pakovanje hrane. Sama dostava toplih obroka zahtijeva značajne dodatne ljudske i materijalne resurse. Budžet projekta za tri mjeseca iznosi 45.000,00 KM.

Jetimi iz Sirije

Tokom njihovog boravka u pograničnim područjima Turske i Sirije susreli su veliki broj sirijske djece koja su uz sve nedaće koje su ih zadesile ostala bez jednog ili oba roditelja. U trenucima koje su proveli s njima, učinili su sve što su mogli da pomognu. S implementacijom ovog projekta počeli

su u aprilu 2023. godine. Sredstva koja su do sada prikupljena dovoljna su da sponzorišu 1.034 jetima za narednu godinu. Također, na početku školske godine, podijelili su ogrijev, školski pribor i platili kiriju za nekoliko porodica, omogućavajući im tako udobniji život i dom.

Pružanje finansijske pomoći za liječenje osoba s različitim vrstama bolesti

Udruženje POMOZI.BA je u 2022. godini doniralo 6.895.765,63 KM za liječenje građana Bosne i Hercegovine, kako u našoj zemlji, tako i u inostranstvu. U odnosu na 2021. godinu ovo predstavlja povećanje za 3.113.751,49 KM. Od 2021. do kraja marta 2024. godine za liječenje naših građana utrošeno je 20.000.000,00 KM. Od navedenog iznosa, većina sredstava dodijeljena je onkološkim pacijentima, dok je preostali dio korišten za liječenje građana s različitim bolestima, uključujući osobe s problemima srca, problema sa vidom, djecu s različitim razvojnim izazovima, kao i dječake i djevojčice s fizičkim deformitetima.

Projekt "Pomoć za Palestinu"

Ovaj projekt ima za cilj pružanje humanitarne pomoći i osiguravanje osnovnih životnih potrepština tijekom rata, potporu obnovi nakon završetka užasa rata te jačanje psihosocijalne dobrobiti Palestinaca u pogođenim područjima.

Udruženje je do sada uspjelo podijeliti pomoć u iznosu oko 2.000.000,00 KM. Ova pomoć je distribuirana kroz partnerske, svaka stavka pomoći, bilo da se radilo o hrani, vodi, šatorima, ambulantskim vozilima ili drugim potrepštinama, pažljivo je odabrana kako bi se zadovoljile osnovne potrebe ljudi u Palestini.

Projekt "Grickalice"

Projekat ima za cilj djeci školskog uzrasta iz najsiromašnijih porodica i u ruralnim krajevima, omogućiti školski obrok koji im roditelji ne mogu priuštiti. Od početka realizacije projekta (2014. godina) do danas distribuirali su preko 2.000.000,00 grickalica širom Bosne i Hercegovine.

Shodno navedenom, Udruženje POMOZI.BA od posebnih uslova iz člana 5. navedene Odluke ispunjava sljedeće:

- interes građana grada Sarajeva;
- doprinos jačanju tolerancije i razvoju demokratskog društva;

U skladu s članom 8. stav (1) i stav (2) Odluke, Služba za lokalno poslovanje mišljenja je da Udruženje POMOZI.BA ispunjava opće i posebne uslove propisane Odlukom, te predlaže da se Odluka o utvrđivanju posebnog značaja za Grad Sarajevo predloži Gradskom vijeću Grada Sarajevo na usvajanje, kojem će se Udruženje finansirati za Projekat "Restoran dobre volje" u iznosu od 10.000,00 KM u narednim budžetskim godinama.

S poštova

Obradila: Belma Segić
Kontrolisala: Merima Hadžić

POMOĆNIK GRADONAČELNICE

Elvir Hadžiahmetović

Dostaviti:

- Naslovu
- U spis



POMOZI.BA

Bosna i Hercegovina-Federacija Bosna i Hercegovina
Kantun Sarajevo
Ulica Džemal Bijedića 110

PRIMLJENO:	28-06-2024	broj prijave
Organizacija instituta	Klasifikaciona oznaka	
07	04	5101

Udruženje-Udruga "Pomozi.ba"
▶ Ul. Dr. Fetaha Bećirbegovića br. 8
▶ t: +387 62 839 000
▶ <https://pomoziba.org/>
▶ info@pomoziba.org
▶ IDB: 4202297050008

Sarajevo, 27.05.2024

Broj: 167-12/23

Grad Sarajevo
Hamdije Kreševljakovića 3
71 000 Sarajevo
n/r Gradonačelnici Grada Sarajeva

Predmet: Zahtjev za sticanje statusa udruženja od posebnog značaja za grad Sarajevo

Poštovana gradonačelnice,

Obraćamo vam se ispred Udruženja POMOZI.BA sa inicijativnom za sticanje statusa udruženja od posebnog značaja za Grad Sarajevo.

Udruženje POMOZI.BA je neprofitna humanitarna organizacija koja svojim djelovanjem pomaže socijalno ugroženim ljudima na području cijele Bosne i Hercegovine, ali i šire. Pomoć u zadovoljavanju osnovnih ljudskih potreba timovi Pomozi.ba pružaju povratnicima, starim i iznemoglim licima, samohranim majkama, porodicama bez stalnih primanja, djeci bez roditelja, osobama sa invaliditetom, oboljelima, migrantima...

Od svog osnivanja 2012. godine do danas, Udruženje Pomozi.ba pomoglo je više od milion osoba kroz različite projekte i humanitarne akcije.

Radi obrazloženja ističemo da je POMOZI.BA humanitarna organizacija sa djelovanjem u pet velikih programa:

1. Program ekonomsko – socijalne podrške socijalno ugroženom stanovništvu (koji buhvata mnoštvo projekata od čega su najznačajniji: Obrok za sve – tri Restorana dobre volje u Sarajevi, Bihaću i Travniku, koji svakodnevno pripremaju obroke za oko 1 000 osoba i isporučuju na adrese bolesnih i nemoćnih), Užina za sve – projekat obezbjeđenja užine za djecu u socijalno ugroženim porodicama za oko 700 djece, Radnje dobre volje – za doniranje odjeće socijalno ugroženim, ali i brojne druge – povremene projekte poput: mjesečnih paketa za porodice sa velikim brojem djece,

intesa Sanpaolo Banka BiH 154-180-20085330-48
UniCredit Bank 338-730-22202506-52
Raiffeisen Bank 161-000-02481200-94
Bosna Bank International 141-306-53201196-79
NIB Banka 132-260-20223371-17



POMOZI.BA

Udruženje-Udruga "Pomozi.ba"

► Ul. Dr. Fetaha Bećirbegovića br. 8

► t: +387 62 839 000

► <https://pomoziba.org/>

► info@pomoziba.org

► IDB: 4202297050008

obezbjeđivanju humanih uslova za život opremanjem stambenog objekta, inividudalnih pomoći porodicama u slučaju nesreća (požari, poplave i slično)... ali i brojne druge projekte koji su kratkog karaktera ali redovno se implementiraju: Kurban, akika, ramazanski paketi, podrška u poljoprivrednoj sjetvi...

2. Program pomoći u liječenjima, lijekovima i ortopedskim pomagalicama – kojim naših sugrađanima pomažemo da dobiju liječenje, lijekove i ortopedska pomagala – u BiH ili inostranstvu, u situacijama kada nemaju besplatno omogućenu uslugu kroz zdravstveni sistem,

3. Program podrške beskućnicima, migrantima i azilantima – kojim pomažemo osnovnim potrebama ovu kategoriju populacije.


4. Program djelovanja u vanrednim stanjima, poput elementarne nepogode, pandemije i slično.

5. Program međunarodne saradnje – kojim podržavamo stanovništvo ekstremno siromašnih zemalja ili susjednih zemalja u situacijama elementarnih nepogoda (kao što je u prethodnom periodu bio slučaj sa Sirijom i Turskom, gdje smo uputili preko stotinu kamiona pomoći u robi/artiklima, kao i više stotina hiljada konvertibilnih maraka koje smo direktno uplatili za pomoć ovim zemljama. Prilikom navedenog pružanja pomoći upoznali smo veliki broj dječice iz Sirije koja su pored svih životnih nedaća koje su ih zadesile, ostala i bez jednog ili oba roditelja. Neki od njih i dalje žive u Siriji, dok su neki smješteni u kampovima ili domovima u Turskoj. I iza jednih i iza drugih stoje teške životne priče, nesretne sudbine i već od malih nogu su se susreli sa svim što nijedno dijete ne bi smjelo – sa ratom, gubitkom roditelja, braće, sestara, prijatelja, sa neimaštinom, bolestima..)

U skladu sa Odlukom o uslovima i načinu sticanja statusa udruženja i fondacija od posebnog značaja za grad Sarajevo broj: 08-01-11-21662-2/21 NK od 14. decembra 2021. Godine, dostavljamo navedeni zahtjev kao a u prilog dokaze o ispunjavanju uslova iz čl. 4 i 5. gore navedene Odluke.

S poštovanjem,

Karalić Elvir
Predsjednik Udruženja



Intesa Sanpaolo Banka BiH 154-180-20085330-48

UniCredit Bank 338-730-22202506-52

Raiffeisen Bank 161-000-02481200-94

Bosna Bank International 141-306-53201196-79

NIR Banka 132-260-20223371-17

bh 

Projekat
„Restoran dobre volje“

REALIZATOR



POMOZI.BA

1. Informacije o organizaciji

Naziv organizacije:	Udruženje „Pomozi.ba“
Adresa organizacije:	Dr. Fetaha Bećirbegovića 8
Broj telefona:	062/839-000
Email:	info@pomoziba.org
ID broj:	4202297050008
Bankovni podaci:	Naziv banke: Intesa Sanpaolo Banka BiH Broj računa: 154-180-20085330-48
Odgovorna osoba:	Elvir Karalić, predsjednik Udruženja
Kontakt osoba:	Elvir Karalić, predsjednik Udruženja Email: elvir@pomoziba.org Broj telefona: 062/525-150



<p>O Udruženju „Pomozi.ba“</p>	<p>Pomozi.ba je udruženje dobrih ljudi okupljenih oko iste ideje - humanost na djelu. Cilj je pružiti pomoć svim socijalno ugroženim kategorijama stanovništva u Bosni i Hercegovini. Istinska želja da pomognemo drugima u teškim životnim trenucima, zajednički rad i transparentnost zaslužni su za rezultate Udruženja Pomozi.ba. Udruženje Pomozi.ba je neprofitna humanitarna organizacija koja svojim djelovanjem pomaže ugroženim ljudima na području cijele Bosne i Hercegovine, ali i šire. Pomoć u zadovoljavanju osnovnih ljudskih potreba timovi Pomozi.ba pružaju povratnicima, starim i iznemoglim licima, samohranim majkama, porodicama bez stalnih primanja, djeci bez roditelja, osobama sa invaliditetom, oboljelima, migrantima i dr. Od svog osnivanja 2012. godine do danas, Udruženje Pomozi.ba pomoglo je preko milion osoba kroz različite projekte i humanitarne akcije. Za socijalno ugrožene kategorije društva prikupljamo i obezbjeđujemo materijalnu pomoć, hranu, lijekove, higijenske proizvode, obuću, odjeću, namještaj, bijelu tehniku, kao i druge potrepštine. Novčano pomažemo u liječenju teško oboljelih osoba, te pomažemo i u stambenom zbrinjavanju ljudi u izuzetno teškom materijalnom stanju. Cilj nam je da budemo humani i potičemo druge na humanost, solidarnost i saradnju.</p>
---------------------------------------	--

2. Informacije o projektu

Naziv projekta:	„Restoran dobre volje“
Budžet:	45.000,00 KM
Datum početka projekta:	15.04.2024.
Trajanje projekta:	3 mjeseca



Ciljna grupa projekta:	Korisnici projekta „Restoran dobre volje“ su uglavnom osobe treće životne dobi, same i bez djece, kao i starije osobe koje su u stanju bolesti i samim tim u nemogućnosti da pripremaju hranu za sebe. Svi korisnici „Restoran dobre volje“ ostvaruju minimalna i nedovoljna mjesečna primanja i žive na ivici siromaštva. Fizički i psihički oboljelim korisnicima se obrok isporučuje na kućnu adresu, dok u Restorane dobre volje dolaze osobe koje su pokretne, ali koje zbog životnih okolnosti ne mogu sebi pripremiti niti jedan topli obrok dnevno.
Mjesto implementacije projekta:	Kanton Sarajevo

3. Opis projekta

Sažetak projekta
<p>Projekat „Restoran dobre volje“ je stalni dio Programa podrške socio – ekonomski ugroženim porodicama. Osnovni mu je cilj bolesnim, starim i iznemoglim osobama bez skrbnika i mogućnosti pripremanja hrane obezbijediti barem jedan kvalitetan kuhani obrok dnevno. Time se direktno nastoji poboljšati kvaliteta zdravlja ovih korisnika.</p> <p>Pored toga, ovaj projekat ima i socijalnu dimenziju, jer su korisnicima projekta samcima zaposlenici Udruženja Pomozi.ba koji im ostavljaju obrok nerijetko ujedno i jedina posjeta i spona sa vanjskim svijetom. U takvim slučajevima, dostavljači hrane su vrlo često oni koji potrebe korisnika za dodatnom pomoći mimo toplog obroka evidentiraju i prenose na druge sektore koji mogu odgovoriti na datu vrstu potrebe. Na taj način se, na primjer, korisnicima redovno isporučuju i pelene i podloške za odrasle osobe, lijekovi i ortopedska pomagala i druge vrste pomoći.</p> <p>Projekat se realizuje u Restoranu dobre volje u Starom Gradu u Sarajevu gdje korisnici mogu u restoranskom ambijentu konzumirati kvalitetan topli obrok, preuzeti ga za konzumaciju kod kuće ili im se obrok zbog slabe pokretljivosti dostavlja na kućni prag. Obroci se pripremaju i dostavljaju svaki dan, a državnim praznicima za korisnike restorana organizujemo svečani ručak u restoranima u Sarajevu, Bihaću i Travniku. Nadalje, projekat "Restoran Dobre volje" stavlja naglasak na očuvanje dostojanstva svojih korisnika, pružajući im iskustvo koje će ih osnažiti i učiniti da se osjećaju posebno. U skladu s tim, enterijer je pažljivo osmišljen i uređen kako bi pružio osjećaj ugone i</p>

sigurnosti, stvarajući prostor u kojem se svi korisnici mogu osjećati prihvaćeno i važno. Kroz ovaj projekt, želimo stvoriti okruženje koje će podsticati osjećaj zajedništva i pripadnosti, pružajući podršku i radost svim našim korisnicima.

Najveći dio hrane potrebne za svakodnevno pripremanje toplih obroka se obezbjeđuje putem donacija u vidu prehrambenih artikala, te novčanih donacija donatora koje se koriste za kupovinu namirnica i artikala neophodnih za posluživanje i pakovanje hrane. Sama dostava toplih obroka zahtijeva značajne dodatne ljudske i materijalne resurse.

Projektom se planira priprema svakodnevni obroka za 200 socijalno ugroženih osoba, treće životne dobi, tokom tri mjeseca. Sva novčana sredstva donatora će biti usmjerena isključivo na direktnu podršku ovom cilju, dok će operativni troškovi poput plata uposlenika, režije i ostalih potreba biti pokriveni od strane Udruženja „Pomozi.ba“, osiguravajući maksimalno iskorištavanje doniranih sredstava za osnovni cilj -

obezbjeđivanje hrane i podrške socijalno ugroženim osobama treće životne dobi.

Ciljevi projekta



Opći cilj projekta: Sveukupni cilj projekta je obezbijediti bolesnim, starim i iznemoglim osobama bez skrbnika i mogućnosti pripremanja hrane, barem jedan kvalitetan kuhani obrok dnevno te na taj način direktno doprinijeti poboljšanju kvalitete života i zdravlja ovih korisnika.

Specifični ciljevi projekta:

• **Poboljšanje kvalitete života osoba treće životne dobi i osoba sa ugroženim zdravljem**

Obezbeđivanjem kvalitetnog toplog obroka svakog dana se, kod osoba treće životne dobi, direktno utiče na zdravlje korisnika, a to opet doprinosi unapređenju kvalitete njihovih života. Kroz ovaj projekat se ostvaruje direktna svakodnevna komunikacija sa korisnicima što omogućava uvid i u njihove eventualne dodatne potrebe i brzu reakciju u hitnim slučajevima. Tako se u okviru projekta, pored toplog obroka, korisnicima redovno isporučuju i pelene i podloške za odrasle, različiti lijekovi i ortopedska pomagala.

• **Socijalizacija kroz susrete sa drugim korisnicima**

U Restoranu dobre volje u Starom Gradu korisnici imaju svakodnevno priliku za komunikaciju i druženje sa osobama slične starosne dobi. Pri tome se radi o osobama koje su zdravstveno u mogućnosti da se kreću, ali žive pod okolnostima koje im onemogućavaju pripremu kvalitetnog obroka za sebe – bilo da nemaju od čega ili da nemaju gdje da skuhaju obrok. Osim sa drugim korisnicima, u Restoranu dobre volje osobe treće životne dobi svakodnevno razgovaraju i sa osobljem restorana, a redovno se za praznike organizuju i svečani obroci i upriliči podjela prigodnih poklona što dodatno usređi ove korisnike.

• **Uspostavljanje i održavanje spona sa vanjskim svijetom**

Korisnici projekta koji ne mogu doći u Restoran dobre volje svakog dana dobiju obrok isporučen na kućni prag. Nažalost, nerijetko su upravo dostavljači obroka jedina posjeta koju ovi korisnici imaju i stoga jedina spona sa zajednicom u kojoj žive. Kroz ovaj projekat se kod ovih osoba smanjuje osjećaj socijalne isključenosti i pripadnosti marginama društva, a stvara osjećaj socijalne pripadnosti.

Aktivnosti projekta

1. Prijem i obrada zahtjeva
2. Nabavka namirnica i opreme za potrebe rada kuhinje
3. Izrada menija
4. Osiguravanje adekvatnog osoblja za pripremu obroka
5. Osiguravanje uslova za rad kuhinje
6. Evidentiranje i praćenje: Vođenje evidencije o broju korisnika, vrsti i količini hrane koju su dobili te praćenje njihovog napretka i zdravstvenog stanja
7. Praćenje i evaluacija projekta
8. Izvještavanje

Očekivani rezultati

- **Osiguran topao, kuhani, zdravi i nutritivno vrijedan obrok za osobe treće životne dobi**
Projekat "Obrok za sve – Restoran dobre volje" osigurava svakodnevno topli, zdravi i nutritivno vrijedan obrok osobama koje se suočavaju s finansijskim ili drugim izazovima u nabavci hrane, kao i onima koji su u riziku od neuhranjenosti ili drugih zdravstvenih problema zbog nepravilne prehrane.
- **Unaprijeđen kvalitet života i zdravstvenog stanja korisnika**
Kroz redovito konzumiranje zdravih obroka, korisnici dobijaju sve potrebne hranjive tvari koje su im potrebne za održavanje zdravlja i dobrobiti. Dobar i uravnotežen obrok također pomaže u prevenciji i liječenju raznih zdravstvenih problema koji su povezani s nepravilnom prehranom, poput pretilosti, dijabetesa i srčanih bolesti. Osim toga, pružanje emocionalne podrške kroz ovaj projekat također može poboljšati mentalno zdravlje korisnika.
- **Smanjen osjećaj zapostavljenosti i isključenosti iz društva kod svih korisnika projekta**
Kroz projekt "Restoran dobre volje", korisnici se osjećaju manje izolovano i imaju priliku upoznati druge ljude koji se suočavaju s istim izazovima. Ovo stvara osjećaj pripadnosti i zajedništva koji može poboljšati njihovo emocionalno blagostanje.

Vidljivost (Promocija projekta)



Plan vidljivosti projekta obuhvaća redovite objave na društvenim mrežama (FB, Instagram), kao i korištenje drugih digitalnih kanala kako bi se naglasila podrška donatora. Donatori imaju pravo stvarati vlastite medijske materijale, uključujući slike i videozapise, te će se isti koristiti u objavama radi naglašavanja njihove uloge u projektu. Također, plan uključuje saradnju sa lokalnim medijima a vezano za objavljivanje članaka, priloga i intervjua o projektu, aktivnostima i postignućima. Kroz sve ove aktivnosti, osigurava se kontinuirana vidljivost donatora i njihova prepoznatljivost kao ključnih partnera u ostvarivanju ciljeva projekta.

Budžet

Budžetske linije	Jedinica (broj korisnika)	Dnevni troškovi (KM)	Troškovi za 1 mjesec (KM)	Troškovi za 3 mjeseca (KM)
<i>Nabavka namirnica i proizvoda koji se koriste za pripremu kvalitetnih i raznovrsnih obroka</i>	200	500,00	15.000,00	45.000,00
Ukupno:				45.000,00

Napomena: Sva novčana sredstva donatora će biti usmjerena isključivo na direktnu podršku ovom cilju, dok će operativni troškovi poput plata uposlenika, režije i ostalih potreba biti pokriveni od strane Udruženja „Pomozi.ba“, osiguravajući maksimalno iskorištavanje doniranih sredstava za osnovni cilj - obezbjeđivanje hrane i podrške socijalno ugroženim osobama treće životne dobi.

Plan vidljivosti projekta obuhvaća redovite objave na društvenim mrežama (FB, Instagram), kao i korištenje drugih digitalnih kanala kako bi se naglasila podrška donatora. Donatori imaju pravo stvarati vlastite medijske materijale, uključujući slike i videozapise, te će se isti koristiti u objavama radi naglašavanja njihove uloge u projektu. Također, plan uključuje saradnju sa lokalnim medijima a vezano za objavljivanje članaka, priloga i intervjua o projektu, aktivnostima i postignućima. Kroz sve ove aktivnosti, osigurava se kontinuirana vidljivost donatora i njihova prepoznatljivost kao ključnih partnera u ostvarivanju ciljeva projekta.

Budžet

Budžetske linije	Jedinica (broj korisnika)	Dnevni troško vi (KM)	Troškovi za 1 mjesec (KM)	Troškovi za 3 mjeseca (KM)
<i>Nabavka namirnica i proizvoda koji se koriste za pripremu kvalitetnih i raznovrsnih obroka</i>	200	500,00	15.000,00	45.000,00
Ukupno:				45.000,00